

Vinnusemi – virðing – viska – vellíðan - verkmennt

Starfið í Hofsstaðaskóla byggir á traustum grunni og er í stöðugri þróun. Starfsmenn eru áhugasamir um að ná fram sem bestum árangri nemenda m.a. með fjölbreyttum kennsluháttum, skapandi starfi, einstaklingsmiðun og einstaklingsnámskrám. Fjölbreytt kennslugögn eru notuð og upplýsingatækni er fléttuð inn í starfið frá skólabyrjun nemenda. Mikil áhersla er lögð á læsi og lesskilning. Á næsta skólaári vilja kennarar gera enn betur í lestri, ritun og skrift og munu sækja námskeið þar sem m.a. verður fjallað um kennsluaðferðir og hvernig á að vekja áhuga nemenda í sögugerð og ritun. Til að brjóta upp skólastarfið og koma til móts við einstaklingsþarfir nemenda eru hópar misstórir.

Líðan nemenda og góð samskipti eru mikilvægur þáttur í skólastarfinu og þess vegna er unnið með félagsfærni, gerðar tengslakannanir og reglulega eru haldnir bekkjarfundir um ýmis málafni til þess að auka lýðræði í skólanum. Útivera, fjölbreytt hreyfing og útikennsla eru þættir sem unnið er að því að auka til þess að koma enn betur til móts við þarfir nemenda og brjóta upp skóladaginn.

Skóladagur nemenda er frá kl. 8.30-14.00/14.40, en lengd hans fer eftir aldri nemenda. Undanfarin ár hafa verið þrjár bekkjardeildir í fyrsta bekk og fjöldi nemenda í bekk verið tæplega 20. Tómtundaheimilið Regnboginn er opið frá því að skóladegi yngri barnanna lýkur til kl. 17.00. Bæði húsnæði skólans og tómtundaheimilisins bjóða upp á fjölbreytt skipulag í leik og starfi. Forskóli tónlistarskólans starfar einnig í Hofsstaðaskóla

Í Hofsstaðaskóla hefst markviss kennsla í ensku og list- og verkgreinum strax í 1. bekk. Skólinn tekur árlega þátt í nýsköpunarkeppni grunnskóla (NKG) en bæði nemendur og skólinn hafa unnið til verðlauna í þeirri keppni.

Umhverfismennt er stór þáttur í starfi skólans, en skólinn hefur flaggað Grænfánanum frá árinu 2007. Nýverið tók skólinn Arnarneslækinn í fóstur í samstarfi við FG, en markmiðið með því verkefni er m.a. að efla umhverfisvitund og auka samvinnu milli yngri og eldri nemenda í Garðabæ.

Félagslíf í skólanum er fjölbreytt og miðar að því að nemendur læri að bera virðingu hver fyrir öðrum og geti tjáð sig óheft í ræðu og riti. Meðal reglulegra viðburða má nefna samkomur á sal, samsöng, kór, útivist og vettvangsferðir, bekkjarkvöld, diskótek, Stóru upplestrarkeppnina, þorablót í 6. bekk og árshátíð í 7. bekk að ógleymdri 100 daga hátíð í 1. bekk og Reykjaferð nemenda í 7. bekk.

Leiðarljós Hofsstaðaskóla, vinnusemi, virðing, viska, vellíðan og verkmennt ríma vel við leiðarljós skólastarfs í Garðabæ eins og þau birtast í nýrri skólastefnu (2010-2013). Við leggjum áherslu á að allir hafi metnað til að gera vel, beri virðingu fyrir hver öðrum og sýni frumkvæði. Sjálfstæði nemenda og sköpunarkraftur á að fá notið sín í umhverfi þar sem nemendur eru öryggir og upplifa gleði.

Við bjóðum ykkur hjartanlega velkomin í heimsókn í skólann til okkar og á kynningarfund 16. mars nk. kl. 17.30 og bendum ykkur á að skoða vefsíðuna okkar www.hofsstadaskoli.is

Með bestu kveðju

f.h. starfsfólks og nemenda Hofsstaðaskóla

Margrét Harðardóttir skólastjóri

Heimilisfang: Hofsstaðaskóli v/Skólabraut

Árgangar 1.-7. bekkur

Fjöldi nemenda 430

Sími: 565-7033

Skólastjóri: Margrét Harðardóttir

Veffang: www.hofsstadaskoli.is

Netfang: hskoli@hofsstadaskoli.is